

Ք՛լ Ե ԼԵԼ յոնյ Եմ ԵԿ՛աւոյ ԿօրԵնտ Եյոյ Օւ ԵԿ՛իտ ԵԿԵ ՎԵԼ Կ՛ււ Ենյ

Երմ ԵՏ Ք՛լ իյ ԵԿՓօ նյահան ԵֆԵճ ԵԵ Եմ, ին Ե ՏԵԿՓ նյահան Եմ ԵԿ՛սսս իմ ԵԵ Եմ, ԵԿ Ե ԵԿԵ ի Ե՛ԵԿ սսսս սսսս ն՛Եմ յՅ Եման ի ՄԵմն ԵԿ ի ԿօԿօԵԵ Ե. Յօոյ ԵնԵԿ ի նօն ԿրԵԿրԵ Եմ ԿօրԵնտ Ե ԼԵԼ Ե ն՛Եւոյ ՆյԵմԵԼ ԵԿ՛Ենոյ ԿօրԵնտ Ե. ԵԿԵ օւ իԵն լԵԼ Ե, յււԵԼ օւ ի Եյ ԵֆԵճ ԵԵ ԵԵ Եմ, լօոյ Ք՛լ լԵԼ ԵԵ ԿԵ իրմն ին Ե ՏԵԼ Ե (ՕԵ ԿօԿ 19; 2 ԿօրԵնտ 1.8-10).

Օւ Ե յԵմ Ե, ՏիմօԵ Ենոյ ԿօրԵնտ օւ լԵԼԵ Եման ի Ենոյ ԵԵ ԵԿԵ Եմ ԵԵ Եմ ԵԵ օւ ի Են Ենոյ իմ ԵՏԵԼ ԵԵԵ ին Եմ ԵԵԵԿ օւ. Օւ յոյ Ք՛լ ին օԵ իմ յօոյ Ենոյ յՅ ԵԼ օւ ԵԿԵ -Լ ի Կ՛իտոյ ԵՏ Են. ին ԵԿ՛իմ նԵ ԵԿԵ ն՛իմ ն՛Եմ ԵԿն յԵԼ ԵԵ Եմ ԵնԵԿ ՆյԵմԵԼ ԵԵ Եմ ԵԿ՛իԵր ԵՏ նյԵմ ԿօԿ՛ր ԵՏ, յՕւր՛ր ՏօՏ ԵՏ Ե Ե (2.5-11; 7.12). Լօւ նԵ նոյ Եֆ, Ք՛լ ԵւԼ ԿՓրԵ իմ ԵֆԵճ Ենոյ ի նօն ԼԵԼ ԵյԵԿ ի նյԵմ ՏօՏ ԵՏ ԵՅ նօնօ ԵԵ (2.4; 7.8); Տիտ ԵնԵԿ օԵ ԼԵԼ Ե իմ Ե, Կօ ԼԵԼ իԿոյ Ե, յԵֆԵնյնԵ Եմ Ե, Տ՛ւււմ սսսս նոյ նյԵմ ԵԿ՛օւ Եյ ԵԵ Ենյ. Օւ Ե յԵմ Ե, Ք՛լ ոյոնօ ԵֆԵճ Ենոյ սս ԵյԵո Եմ ԿօրԵնտ, ցԵԿօ ի՛ԵԿր ՄԵՏԵԵան ԵԿ ի ԵԿԵ ի Կ՛ԵԿն ՏինյԵմԵԼ ԵԿ՛Ենոյ Փիլիպ ԵԵ Եմ լԵԼԵ ՏԵՏԵլօն ի ԵԵ Եմ ԵԵ Ե. Յօոյ, ի՛յԵր Տիտ (7.5-6) ԵԿ՛իՏմ Եման իմ Եմ ԵԵ ԵԼ ԵՏ ԵԵ ԵԼ Ե ին յՏսս Եյ Եմ Եմ ԿօրԵնտ յօոյ (7.7).

ԵԵն յԵյ ի, Ք՛լ սւ Ենյ ԵԿԵ Եոյ Ենոյ ԿօրԵնտ յօոյ ԵԿԵ Եմ ԵԵԵԿ՛ր. Ենոյ ի նօն ԼԵԼ նԵ ԵԿԵ Տ՛ԵՏոյ Ք՛լ Ե ԼԵԼ յոնյ Եմ ԵԿԵ Եւոյ ԿօրԵնտ Եյոյ Ե. ԼԵԼ նԵ ԵնԵԿ

el silɛl a eke ni nɔn n'awɲ Korɛnt e Nyamel a ec'es abal el a.

Nuɲ 1 toɲ nuɲ 7 a, am otar low sosiem eke n'ɔny wɛl ec'im ɛkn e low a eke li bɛbm l'ɛw es a l'itɲn lele low nuɲ af eke ni nɔn lɛl lebl kpaɲkpaɲ n'awɲ wɛl a. Gbɛkɔ, sos ɛm iɲn'n eke lɛl ikɲ a ɔsu ey amamn a.

Pɔl am tutr eke k'im anɲ ɛl ab ibn ɛɲ n'am atr wɛl sos es eke -li ki yibr ob ap a eke wɛl am kok Jerusalem ec'ɔgbɔru a sosiem ec'a, ke -l'ɛlu ɛl ec'erm mamn a ɔkm (Nuɲ 8 toɲ nuɲ 9).

Nuɲ 10 toɲ nuɲ 13 ɛm a, Pɔl agbr lebl es lɛl ab ɛm ɛɲ n'am dogɲn in ec'erm ɛs e l'el ec'abusu eke n'ɔny a e low. ɛɲ li dad eke in e jam ec'ow eke in b'ow in ow wɛl ec'araɲn a, in b'ow in ɛlu in ec'abusu ɔny a ɔkm eke ow'n it ek'in ki kok ɛben. Eke n'awɲ lɛl a, ow ibnm ɛɲ l'ow l'ɛy Korɛnt ɛɲ n'anɲ lɛfr lɛgɲ iy a nimum ɛsɛ elɛl eke li bɛbm l'ɛw es ab af (1 Korɛnt 16.5-6). In eci Korɛnt eke n'im n'am ɛkn a anake ni nɔn Rom eyɲ eci lɛl a.

ɛsɲn

¹ ɛm Pɔl, m'el Jesu Krist ec'erm ɛs anke Nyam erur. ɛy lisijim Timote ab e nin ɛm, m'am awɲ Nyamel ek'anɲ Korɛnt a lele Nyam ec'agn a fɛɲ ek'anɲ Akayi nimum ab a lɛl na. †

² Ke Nyam ɛy ɛs lele ɛs Kɔtɔkɔ Jesu Krist ab ɛdɲ ɔny ɔwɔ ke ɔɲ ɔny erm es ey!

Pɔl am ɔɲ Nyam bia

† **1:1** Akayianɲ Gres esr ɛm a. Pɔl eci yogɲ eke ɔg es im ec'a, ɛkn Ob Kok 18.1-18.

³ Si kóklm Nyam ek'el ey Es Kótoko Jesu Krist ec'Es a! L'el eḡḡ Es ek'ij gbrenḡbi sɔḡḡ ikḡ em etḡ l'el Nyam eke b'atr ey sos es low low fḡḡ em. ⁴ Li b'atr ey sos es ey e ses babur fḡḡ em, yec'etḡ ke ey yeji s'átr aḡḡ ek'am ij gbre a sos es. Etḡ ebḡn a, si b'ɔḡ el yec'a eke ey obi yeji si b'eb Nyam oḡḡ a. ⁵ Tasi em a, elel a eke si b'ij gbre nɔnɔ Krist e nin a ec'a, ebḡn nenyembri nyam si b'ḡḡḡ sos es atr nɔnɔ in em. ⁶ Eke s'anḡ es abur em, ke ɔny e sos es atr lele ɔny e sɔḡ ab eci. Eke s'am eḡḡ sos es atr, ke ɔny e sos eke si k'atr ɔny es éḡḡ gbre nenyembri nyam a eke s'am ij esḡ ɔny af a ebr eci. ⁷ S'ɔny ɔmn tasi ey em eke si bi tutr ɔny e lís owi a, aḡke s'uw low nyam any: ek'am ijr gbre ey ab a, ɔny yeji sos es atr eke s'ḡḡḡ a el ɔny eci.

⁸ Aḡḡ lisijimel, ow it e k'uwḡ any eke Azi wus af a, † s'eḡḡ gbre ijr eḡbel nɔnɔ s'eb, gbre ijr ek'el e leg a aḡb afḡḡ ey e lɛc ab es, toḡ ke s'irmn owḡ anḡ ec'ɔmn fḡḡ. ⁹ Etḡ ey obi yeji s'uw any tasi eke si b'ow s'uw. Ebḡn a, si k'ɔtum s'ocm ey ec'ɔmn s'elum ey obi em ij, kɔ Nyam eke b'igbm aḡḡ luw em a sɔny coco em si k'oc s'elu. ¹⁰ Nyam anake ɔny oc ey es luw na em a etḡ emeny li b'ow n'ɔny l'oc ey es. Ee, s'ɔny ɔmn in em eke emeny li b'ow n'ɔny l'oc ey es. ¹¹ ɔny yeji, eke bi ḡḡḡḡ Nyam ɔḡḡ ey, ke abu elumḡ ey a. Etḡ si b'ow s'ḡḡḡ bibm Nyam em, aḡḡ nɔnɔ eci ḡḡḡḡ a sosiem. Etḡ na sosiem aḡḡ nɔnɔ b'ow ɔtu ɔḡ Nyam bia ey eci.

† **1:8** *Azi wus af a:èkn 1 Korent 16.19 lel ow ec'akr otar ab ab.*

Pól itɣn in ec'usu im ec'ów a eke li bebɔm a

¹² Eke low nyam anɣ eke k'ɔɣ ntotɣ ok ey, ke ey ec'ów tutr a ec'ów eke ókm ey af a. N'am dad ey tasi eke si kok low elum em lele nenyembri nyam em ab aɣɣ fɛɣ ab, ab brobro ɔny e lís. Na low ek'anɣ Nyam oɣɣ ow, Nyam eci erm mamn a anake nyimn ey a, kɔ ow elm aɣɣ e sɛwr a gbɛ. ¹³⁻¹⁴ Tasi em a, awal yec'a eke si nɔn ey e silɛl ab em a, irir ɛɣɣ si lɔlam ɔny low kaka es em yogɣ. Low nyam gbɛ anɣ eke irimn okm ɔny es sos em, kɔ m'am ɔny ɔmn eke ow b'ow ok ɔny es sos em tasi: lɛɣɣ a eke ɛs Kɔtɔkɔ Jesu b'ow ow a,[†] ntotɣ b'ow ok ɔny ey eci, ɛsɛ elɛl eke ey yeɣi ow b'ow ok ey ɔny ec'ab af.

¹⁵⁻¹⁶ Eke m'uw ɔny eci ntotɣ ab any tasi a, mi bebɔm eke mi k'ikɣ anym m'ɛc ɔny oɣɣ a, ke m'anɣ yogɣ m'im Maseduan, ba em e mɛny ɛwl ow em a, ke mi gbár es ɔny oɣɣ yogɣ. ɛben a, ow b'ow ɔɣ ɔny abusu kokr sos em inɣ sakp yony ɛɣɣ b'ow elumn'm abu m'im Jude. [†] ¹⁷ Eke mi bebɔm low na a, kɔ mi tutrm ów ee? Oglog eke mi bi bebɔm ów a, kɔ em obi ec'erur a eke mi ki kok a sɔsiɛm mi b'ɛɣɣ “ɛɛ”, ke ɛmɛny m'ítɣn m'ɛsɛ “nɣaɣ” ee? ¹⁸ M'am eb Nyam danɣu, odad eke s'am dad ɔny a, elm “ɛɛ” lele “nɣaɣ” ab. ¹⁹ Silas, Timote lele em ab, s'ɔb ɔny Nyam Jim Jesu Krist ec'amani a. Ow akpl ke úwr any eke Jesu elm “ɛɛ” lele “nɣaɣ” ab, kɔ sɛɣɣ fɛɣ “ɛɛ” cɛ li b'el. ²⁰ Tasi em a, Jesu el ów a fɛɣ eke Nyam ɛwar ey

[†] **1:13-14** *lɛɣɣ a eke ɛs Kɔtɔkɔ Jesu b'ow ow a:* èkn 1 Tesaloni 2.19-20. [†] **1:15-16** *Pól ɔny tutr eke k'im Korent (èkn 1 Korent 16.5-9); aɣa n'am otar low a nuɣ af eke li k'ɛwlm li k'owm li k'èknm wel a akr (èkn akr 23-24 em a).*

εω es a eci “εε”. Ετη Jesu em anake si bi dad ey eci “amen” a, ke si bi kōklm Nyam ec’anygbel a. ²¹ Nyam in obi anake b’ōη ke ōny lele ey ab, si b’ōny læc Krist em a. In anake li sōsum l’ot ey, ²² ke l’εω ey in e mēny εwr a ek’am yεgm eke s’el in ec’a af a. L’oc Abη Lala l’εlu ey erm em, eke k’el aja a eke li b’ow n’ōη ey a eci asmanu.

²³ Bla sosiem ετη mi k’εwlm mi k’owm Korent ee? M’am eb Nyam dan̄ku, l’uw’m any ετη l’uw any eke m’ōnym yadh. Mi k’owm, an̄ke m’erurm eke mi k’ijr ōny gbre. ²⁴ S’ōlm eke si k’ōη ōny low læc em ubr nawrε. Tasi em a, ijr læc ōmn em, gbεkō s’am erur eke si k’okr af si kok juma ōny e sos em iηn a eci.

2

¹ Kin low yec’eke mi beb̄m a: m’erurm eke mi k’εwl m’ow ōny ogη yogη, eke emeny ow b’ow ōwr ōny sos es. † ² Eke em m’owr ōny sos es, ke bwo ec’εγη b’ow ōη’m sos em iηn, eke ow elm ōny a cε eke m’owr ōny sos es ab ee? ³ M’erurm eke mi k’ow m’εkn ōny, ke m’owr ōny sos es. Ow akplm ek’agη a ek’it eke k’ōη’m sos em iηn a, k’el agη a eke b’owr’m sos es a. Na ec’anake m’awη ōny lel es abal el a. † M’uw any tasi eke low yec’eke b’ōη’m sos em iηn a, ōny yeji b’ōη ōny sos em iηn. ⁴ Εε, mikη ab mi nōn lel a m’awη

† **2:1** *eke emeny ow b’ow ōwr ōny sos es*: low any uw εsel beb̄ tutr eke Pōl im Korent kok seγη abi ka eke ni nōn 1 Korent uwr a (εkn 2 Korent 13.1). Gbεkō wel ebm Pōl senyn senyn ετη Nyamel ec’εγη nyam kok’r εs eke Nyamel dadm low kaka (εkn akr 5 toη akr 11 em a). † **2:3** Pōl am dad lel nyam eke n’awη wel a e low. Lel a, s’uw̄m yogη nun̄ nyam eke l’ey ab any.

ab em, etɿ li b'ecr ey em n'ón wɛl uw Krist any usu a fɛɿ. Ow anɿ esɛ sɔsɿ mamn eke b'eb es usu a fɛɿ af. † ¹⁵ Ɛɛ, ey s'anɿ esɛ mijey sɿɔsɿɔ eke Krist am ɔɿ Nyam af. Etɿ ow eci sɔsɿ a ok sakp yony: aɿɿ a ek'anɿ sel eɿɿ ec'ejaɿb ab af a lele el a ek'am irmn el e sel ab ab eci. ¹⁶ Aɿɿ a ek'am irm ec'a, ow el luw e sɔsɿ eke b'ism luw ab. Kɔ aɿɿ likpr a ec'a, ow el owr anɿ e sɔsɿ eke b'ism owr anɿ ab. Etɿ kɔ bwo ec'ɛɿɿ ɔny abusu eke ki kok juma nɛnɛ ee? ¹⁷ Ey s'anm esɛ aɿɿ nɔnɔ gbɛl eke b'oc Nyam odad am ɔɔl an, os eke -li k'eɿɿɿ sosiɛm ec'ab af. Ey, Nyam am ɛkn eke s'am dad odad eke b'anɿ in oɿɿ ow a nɛny nyam em, etɿ s'am dad lele Krist ec'abusu ab ab.

3

Sinn owr a e juma kok esɛl

¹ Nɛnɛ eke s'am dad a, kɔ ey obi ey obi s'am aw abusu s'eb ab ee? Aɿɿ beb ec'a ow it eke -li ki yɛɿm ɔny el ec'abusu ɔny e silel oglog -l'ibrm ɔny e lís. Kɔ ey yɛɿi ɛbɛn si ki kok ab ee? ² Ey e lel a, ow ow el ɔny. Ey e mɛrm ab em wɛl nɔn, aɿɿ a fɛɿ uw any etɿ b'awl. ³ Ɛɛ, ow ayl, Krist in obi nɔn lel na, etɿ ey anake s'oc s'ow a. N'anm esɛ lel eke wɛl oc lel mij nɔn ab af, kɔ Nyam ek'anɿ owr

† **2:14** *Ow anɿ esɛ sɔsɿ mamn eke b'eb es usu a fɛɿ af:* eke wɛl b'ogɿ ar uwɿ a, ar oɿɿ esɛl a eke eb any a b'ɔsɿ es, el e madu a eke -n'ónyn ar em a anɿ el jam, ke -n'am ok baɿɿn. Ɛb eyɿ a sos em inɿ em, bi kpakpab suw amamn ám wɔwl ɛbɛɿɿ em a ke ám ofɿ sɛkp sɿɔsɿɔ. Sɔsɿ mamn a eke b'ɔsɿ ok ɔkm a akpl aɿɿ a ek'eb any a eci; kɔ madu a ec'a, ow b'el luw e sɔsɿ.

ec'Abɛ a l'oc ni nɔn. Ow elm lebn af ni nɔnm, †
kɔ agɛ e mɛrm ab ɛm ni nɔn.

⁴ Nyam ec'any af a, s'ɔny ɔmn low na ɛm, anke
Krist ɔɛ ɛy ɔmn ɔny ligbɛl. ⁵ Si kɪ tutrm eke si
k'ɔny abusu si kok low ɛy sɔny coco, kɔ Nyam
anake ɔɛ ɛy s'ɔny abusu si kok low a eke s'am
kok a. ⁶ In anake n'ɔɛ ɛy s'ɔny abusu s'am kok
sinm owr na e juma a. Sinm na anm ol eke wɛl
nɔn a e low ɛm, kɔ Abɛ Lala e low ɛm n'ann.
Ol eke wɛl nɔn a b'ism luw ab, kɔ Abɛ Lala, in,
b'ism sel ab.

⁷ Ol a eci sodad a lebn af wɛl nɔn, ɛɛɛ luw cɛ
l'ism ab. Gbɛkɔ ɛben yeji, Nyam ec'anygbɛl a
jɛjn Mois ec'any ab af. In ec'any a am jɛjn afɛn
es toɛ Israel ec'ey a ɔtum eke ki lɛr'r, eke jɛjn a
ɔb nuɛ am is es a bɔbɔ yeji. † ⁸ Gbɛkɔ Abɛ Lala e
juma a eke am kok a b'ow ɛɛn anygbɛl agb akm
na. ⁹ Eke ol eke b'ism agɛ luw ab a e juma a
ɛɛn anygbɛl ligbɛl, ow ayl tasi eke Abɛ Lala eke
b'ɔɛ agɛ el nyim nyim a eci juma a, b'ow ɛɛn
anygbɛl eke b'ow agb nɔnɔ ligbɛl. ¹⁰ Ow ɔɛ a,
anygbɛl a eke lɛgɛ sig ɛm a jɛjn a, elm low kaka
ij anygbɛl liplemu na ec'any af. ¹¹ Eke ɔw a eke
ibnm a anygbɛl iy ɛm gbɔɛ, ɛben ke el a eke bibn
a, b'ow ɛɛn anygbɛl ek'agb nɔnɔ ligbɛl.

¹² Low ɔmn na ab, s'ɔny ɔmn iy ɛy ɛm gbɔɛ.
¹³ ɛy si kɔkm ɛsɛ Mois eke oc gbɛd bubur any
es, yec'ɛɛɛ ke Israel ec'ey a k'ɔnym abusu ɛknm
anygbɛl a e jɛjn a eke ibnm, ke am uwr a.

† **3:3** Anja, Mois ec'ol a e low Pɔl am tutr. ɛkn ɔkm Ok 24.12.
Kokoba ɔb ɛs Jeremi dad eke Nyam in b'ow in nɔn ol owr a agɛ
e mɛrm ab ɛm. ɛkn Jeremi 31.33; Ezekiel 11.19; 36.26-27. † **3:7**
ɛkn ɔkm Ok 34.29.

14 Gbẹkọ el e nuṅ em ọny a ọtun irim low kaka. Eṣi toṅ yefenyina em, eke -li b'awl sinm sig e silẹl a, † gbad nyam a ce emeny bi bubur ów a es, anke gbad a, Krist ab ec'af okr a ce b'ony oc'r es. 15 Tasi em a, toṅ yefenyina em, sakp sakp feṅ eke Israel eyṅ b'awl Mois e silẹl a, gbad nyam bi bubur el e nuṅ em ọny ab es. 16 Gbẹkọ sakp sakp feṅ eke eḡṅ nyam b'ewl ow Es Kọtọkọ ogṅ a, gbad a b'oc es. † 17 Odad na eke el "Es Kọtọkọ" a, ke Abṅ Lala ana. Eṣi eke Es Kọtọkọ ec'Abṅ a anṅ usu nyam, in anake li b'ọṅ ey s'ṅgboṅ ey e madu el ab em a. 18 Ey feṅ ec'any a gbẹ gbad anm buburm es, eṣi Es Kọtọkọ ec'anygbel a am ọṅ'n li jejn eṣe akroṅṅo em es am ler af. Eṣi Es Kọtọkọ ek'el Abṅ a b'itṅṅ ey. Li b'ọṅ s'anṅ eṣe in af, anygbel ligbel nyam eke seḡṅ feṅ anṅ eṣe in ec'ab af ab em.

4

Jesu ab s'am ijr gbre

1 Nyam, in ec'erm mamn ab em, abul ey juma na; ow sosiem anake sos ọwm ey es a. 2 Ey si wal yadṅ owi feṅ eke wẹl b'oc kokr ẹs owi es lẹl em a s'elụ es. S'am kok low nenyembri nyam em eṣi s'onym Nyam ec'odad ebl a s'itṅnm. Kọ nana, si b'elụ low nawrẹ ọkm kpata, eṣi eben a, ow b'ọṅ agṅ feṅ el e tutr ab em, b'uw agṅ yec'eke s'el ab any. 3 Gbẹkọ eben yeji, ey ec'Amani Mamn a b'el ob eke lẹl es agṅ beb a eke am irmn el e sel a eci. 4 -N'onymn ọmn anke Satan, wus na e nyàm

† 3:14 *sinm sig e silẹl a:el -l'el Amani Sig e silẹl a.* † 3:16 Ẹkn Ọkm Ok 34.34.

ηηη a efal el e nuη em ɔny a any, etη ow ɔη - l'eknmn Amani Mamn ab em ec'usuayl a eke am jejn ow a. Amani Mamn a am dad Krist ek'in obi a el Nyam ec'es otarir kpeη ec'anygbel a ec'odad. ⁵ Tasi em a, amani a eke s'am ɔb a, ow elm ey obi, kɔ Es Kɔtɔkɔ Jesu Krist s'am ɔb. Etη ey, s'el ɔny e juma kok esel Jesu Krist sosiem. ⁶ Nyam dad nine: *ke usuayl áfη ncebn ec'araηη!*† Etη ow el in obi eke l'afη ey e merm ab em ey ec'es ekan eci, ke n'ɔη ey s'ekn in ec'anygbel a ek'am jejn Krist ec'any a.

⁷ Gbekɔ ey eke s'am abu ob ɔny na a, s'annah ese kpeη em mew af. Ow b'ɔη wel b'uw any senyn senyn eke abusu gbel na ow elm ey em ow ánm eym ɔkm, kɔ Nyam ogh a ow b'annah ow. ⁸ Ses babur b'eb ey susu feη, gbekɔ -li kiknmn ey es. Etη eke si b'annah sel at em a bɔbɔ yeji, s'ígηm low a s'elum es. ⁹ Wel b'ijr ey gbre ey ec'ɔmn a sosiem, gbekɔ Nyam ígηm elum ey es. Wel b'ɔny ok ey wus, kɔ s'úwm gbε. ¹⁰ Gbre ij na em, si b'uw Jesu e luw a ek'annah ey sos megl em ab any, yec'etη ke s'ótu s'uw in ec'owr anη a ek'annah ey sos megl em a yeji any. ¹¹ Tasi em a, s'annah owr, gbekɔ segh feη si b'ɔny low luw ab eke s'am us Jesu jam a sosiem. Etη eben a yeji, ow b'ɔη wel b'ekn eke Jesu anη owr ey e sos megl a eke b'uw ab em. ¹² Low eke wel b'ekn em a el: luw eke am kok low ey em, ke owr anη in am kok low ɔny em a.

¹³ Nyam Lel dad nine: *M'ɔny ɔmn, ow sosiem mi dad.*† ɔmn nyam a ce b'ɔη ey si kok low. Ey

† 4:6 Ekn Nuη ɔb 1.3. † 4:13 Ekn Selu 116.10.

yeji s'ony omn, ow sosiem s'am dad. ¹⁴ Εε, s'uw any eke Nyam ek'igbm Es Kotoko Jesu luw em a, ey yeji b'ow igbm ey luw em in ab, etη ony lel ey ab, li b'ow l'ot l'ok ey es ow e saw. ¹⁵ Gbre feη eke s'am ij a ony sosiem, yec'etη ke Nyam ec'ow amamn a eke am agb eb es a, ony seηη feη am enyn nono on in bia, ke okar af ony feη koklmn in.

Sos owm ey es luw ec'any af

¹⁶ Na sosiem anake sos owm ey es a. Etη eke ey e sos megl a am uη tel tel yeji, yec'a ek'el ey ec'abη em ec'a, legηni nyam nyam feη b'el owr. ¹⁷ Εε, ey e yefenyana em e gbre ij nono a ew fuēfuē etη bibn seηη tel ce, gbeko ow bi bebm anygbel liplemu nyam ey eci. Anygbel ikη a b'ann seηη feη etη l'agb nono l'akm ey e yefenyana e gbre ij a feη. ¹⁸ Ey, s'olm yec'a eke wel otu eke k'ekn ab es, ko yec'a eke wel eknm a s'am ol es. Tasi em a, yec'a eke wel otu eke k'ekn a ibnm nono, ko yec'a eke wel eknm a b'ann seηη feη.

5

Afr e sos megl a e low

¹ Wus af ana, s'ir sos megl nyam ek'ann ese ndey lel em el † eke legη nyam b'ow ufη es ab em. Gbeko s'uw any eke afr Nyam ew ey el nyam eke b'ow ann seηη feη ab es. El eke Nyam us in obi, ke ow elm agη ec'abu usm. ² Sicaca em a, s'am

† **5:1** ndey lel em el:ow el el mum nyam eke wel bi kok ndey lel em oglog gbad em, eke wel k'onym el tasi eke k'eru em a. Pol in obi yeji, kok mel akpasu na e juma.

ikhɛn sɔmu, † etɛ s'am ɔl ey e lɛc fɛɛn em eke si k'oc mob sus em ejec'a s'ew sos af, mob sus em a ek'el ey ec'afr ec'el a. ³ Eɛ, low na anake s'am ɔl es a, yec'etɛ ke si k'elmn abɛn eke ɔnym sos megl. ⁴ Lɛɛn na em eke s'iir ey e wus aɲa ec'el ab em a, s'am ikɛn sɔmu esɛ ɛrɛkp leg leg ec'ew es aɲ af. Ow elm ke s'am erur eke si k'uw ke si k'onymn sos megl eci. Nɲaɲ, s'am erur eke si ki sus ey ec'afr e sos megl a esɛ mob sus em af, yec'etɛ ke sel ek'onymn uwr a ɔny ey e sos megl a eke b'uw a emn. ⁵ Nyam in obi anake bɛbm ey eb ir na eci sos a. Etɛ n'ɔɲ ey Abɛn Lala eke el aja a eke li b'ow n'ɔɲ ey a eci asmanu.

⁶ Ow sosiɛm a, sɛɛn fɛɛn sos es atr iy ey em gbɔɲ. Gbɛkɔ ey s'uw any, lɛɛn na em eke s'iir ey e sos megl na em a, si kpab es Es Kɔtɔkɔ e lís. ⁷ Tasi em a, ɔmn em s'am ir eb, kɔ ow elm es eke s'am ɛkn ab em. ⁸ Eɛ, sos es atr iy ey em gbɔɲ etɛ s'am erur tasi eke si k'ɛgbɔɲ sos megl na em, s'im s'ir eb Es Kɔtɔkɔ eci saw. ⁹ Gbɛkɔ low krɛkrɛ eke s'am erur a el ke ey owi aw'r, eke s'any sos megl na em etɛ s'anm em yeji. ¹⁰ Ey fɛɛn ow ibrm eke si b'ow s'imn Krist e jej ok a ec'any af, yec'etɛ ke ɛɛn ɛɛn ɛɛn yec'a ek'it eke k'ɛbm, in ec'ow amamn lel ɛɲɲ eke li kok in e wus aɲa ec'eb ir ab em a. †

Nyam ɛcr Krist em ɔny okr ey em in ab

¹¹ Elum Nyam ɔmn em a, s'uw low yec'eke ow am dad ab any. Na sosiɛm anake s'am ɔl elɛl eke si ki dadr ow e low ok aɲ es sos em a. Nyam uw ey any igɛn nuɲ etɛ l'uw any eke s'ɔny nɛny nyam,

† **5:2** s'am ikɛn sɔmu: Bɛbm Rom 8.23. † **5:10** Bɛbm Rom 14.10.

ony yeji m'am omn eke ony e merm ab em, uwr any eben. ¹² Ey, emeny si k'ow s'olm eke si k'aw abusu s'eb, ko s'am erur eke si k'onj ony abusu ntotj ok ony ey eci, yec'etj ke onyn low dadr onj agj a eke b'ew sos ow eke wel b'ekn nyamn em a eci, ke ow elm ow a eke b'annj egj erm em ec'a. ¹³ Eke agj am dad eke ej em in unj ey, ke Nyam sosiem eci. Etj eke wel am ot ey any es oku, ke ony e low nimamn eci. ¹⁴ Erur eke Krist ony ey ec'a am ucu ony ey es, ajke s'uw any tasi eke egj nyam ce uw agj fej eci; egj a el Krist, etj ey fej in e luw a el ey eci. ¹⁵ L'uw ey fej eci, yec'etj ke agj ek'annj owr a k'irm eb el obi el obi ec'ij, ko ke -l'ir eb Krist ek'uw ke igb luw em el ec'a eci.

¹⁶ Low na sosiem anake jam aja, si k'ow si lerm egj ese elel ek'agj bi l'er egj ab af a. Etj ek'ow el eben anake si ler Krist a, ke jam aja, ow elm eben s'am lerm'n ij. ¹⁷ Ow sosiem, eke egj nyam okr af Krist ab, n'annj ese egj eke Nyam kokr em af. Low yec'eke el lisig a uwr, etj yec'a ek'el owr a eb usu. ¹⁸ Amua fej Nyam ogj ow b'annj ow. L'ecr Krist em n'onj l'okr ey em in obi in obi ab, etj l'abul ey agj ejec'a lele in ab ec'em okr a e juma. ¹⁹ Nawre, Nyam erm Krist ow in lele agj ab ec'em okr a eci, etj l'usm wel ec'ow obr in e lis a e low jam ij. Etj l'abul ey in ec'em okr ec'amani ob a.

²⁰ Ey s'annj ese ermu eke Krist am erm af. Etj Nyam b'ecr ey em dad ony odad ese: «Krist e nin em, s'am ok ony merm sabu af, yebr Nyam ony okr ony em in ab!» ²¹ Krist onym sikpl kaka, gbeko Nyam ob'r low luw eci ese sikpl es af ey

usu iy, yec'etj ke si b'okr af Krist ab a, Nyam ót ey ese agj nyim nyim af.

6

¹ Sica ey eke s'am kok juma Nyam ab a, s'am dad óny eke k'ocr bibm a ek'ejan in ec'abu em a kokar low senyn. ² Tasi em a, Nyam dad ninε: Lεgj mamn em a, m'εgj'η nεnym, etj sel ejn e lεgj a yeji, m'eb m'elu'η es. † Sica yefenyina tasi anake el lεgj mamn a, yefenyina anake el sel ejn e lεgj a.

³ Eke s'erurm ek'agj ki cak ey e juma a, ow ój ey e low fej em, si kok elel eke si k'elm lirikp εgj kaka fej eci. ⁴ Kó nana, si bi yejm low fej em eke s'el Nyam e juma kok esel. Etj eben a, si b'εgj erm susu em sos es ów, ses babur, erm mij ebr, ⁵ or eke wel b'or ey, sobel em eke wel b'ok ey lele dedeku ec'af eke b'ok ey ab ab e low s'eb. Si b'εgj sos es kikn erj erj, memn erum lele namn ab s'eb. ⁶ Si b'ir eb lala em si yejm eke s'uw Nyam e lís ec'ów any; s'ony low eku, s'el erm mamnu, Abj Lala anj ey ab, s'ony erur tasi, ⁷ etj si b'ób low nawre e kokoba, Nyam ec'abusu ab em. Si b'oc yec'a ek'el nyim nyim Nyam ec'any af a, ese ar ogjn ob af, s'im agj ar oglog si dogjn sos. ⁸ Wel b'usr ey sos oglog wel bi kok ey és. Wel bi dad ey e low njn lel ey e low mamn ab. Wel b'ot ey ayadju, ke low nawre ce si bi dad. ⁹ Wel bi kok ey ese agj eke wel uwm any af, ke wel uw ey any senyn senyn ce. Wel bi ler ey ese agj ek'am uw af, gbekó si b'anj owr sejn fej. Wel

† 6:2 Ekn Esayi 49.8.

b'or ey ey ec'omn a sosisem, gbekɔ wɛl íbim ey.
 10 Wɛl b'ekn ey esɛ agɛ eke sos ɔw es af, gbekɔ
 sɛgɛ fɛɛ si b'anɛ sos em inɛ em. Wɛl b'ot ey
 ɔgbɔru, gbekɔ si b'ɔɛ agɛ ejec'a ɔny ob. Wɛl bi
 tutr eke s'ɔnym ob kaka, ke ey nana anake s'ɔny
 ob fɛɛ a.

11 Korent ec'agɛ lisijimɛl, nɛnyembri nyam em
 si fig ey ec'erm a si dad ɔny odad. 12 S'ablm ey
 ec'erm a ɔny e lís, kɔ ɔny anake b'abal ɔny ec'a
 ey e lís a. 13 Sica m'am dad ɔny odad esɛ iy es lel
 in ec'ey ab af m'esɛ: kòkr esɛ ey af, ɔny yeji figr
 ey ɔny e mɛrm a foɛ.

Èel cɛcɛ Nyam e lís

14 K'èwr mɛcrer agɛ a ek'ɔnym ɔmn Nyam em
 ab ab, k'ɔtumɛn okrmɛn eb ir af el ab. Kɔ low
 nɛnyembri nyam ɔtu eke k'okr af enyembri yony
 owi eke Nyam érum ab ab ee? Kɔ usuayl lele
 ncebɛn ab b'ɔtu okr af ee? 15 Kɔ Krist nɛny ɔtu eke
 k'okr af Satan ab ee? † Kɔ nawrɛ ub es nyam lele
 nawrɛ ubm es nyam ab ec'araɛɛn a low ɔtu eke
 k'anɛ ee? 16 Bogɛ ec'iririr k'anɛ Nyam ec'él a
 lele sinyam yadɛ ec'ab ab ec'araɛɛn ee? Ey anake
 s'el Nyam ek'anɛ owr ec'él a, esɛ elɛl eke in obi
 li dad ninɛ:

Mi b'ow m'anɛ el araɛɛn ke m'ír eb el ab.

Mi b'ow m'el el e Nyam etɛ -li b'ow -l'el em
 ec'agɛ.

17 Ow sosisem Es Kɔtɔkɔ dad ninɛ:

Ngbronɛn agɛ amua ec'araɛɛn ke kpábr el es lís!

† 6:15 *Satan*:odad ebl na Grɛk em a *Beliar*. Grɛk em ec'odad ebl
 na otarir es Ebre em ec'odad na ab: *Belial*, ow e nyandre el "ob
 ɔfr ɔfr". Jwifɛl oc odad ebl na esɛ Satan e nin nyam af.

K'itɛnɛnɛn ob yec'eke aylm a abu,
 ɛtɛn ɛm, mi b'ow m'eb ɔny.

18 Ɛtɛn ɛmɛny Nyam Abusu Ɛs dad ninɛ:

Mi b'ow m'el ɔny Ɛs,

ɛtɛn ɔny b'ow el ɛm ec'ey egɛn lel ɔyɔw ab.†

7

1 Erur ɛm ec'agɛn lisijimɛl, ów ɛwar amua fɛn
 el ɛy eci. Ow sosiɛm a, si yóyɔg ob fɛn eke b'ibar
 ɛy e sos a lel ɛrm ab ab a es, ke s'éel Nyam eci
 nimum nimum elum ɛm.

Pɔl sos ɛm am iɛn Nyam ec'agɛn a ec'itɛn a eci

2 Kòkr ɛy usu ɔny e mɛrm ab ɛm! Si kokm
 ɛnyembri yony yony owi ɛgɛn kaka e lís, si nɛnɛnm
 ɛgɛn kaka ec'ɔnm, ɛtɛn s'ebm ɛgɛn kaka ec'ob s'ijm.

3 Mi dadm odad nɛnɛ low e mi k'ɔb ɔny eci. Ɛsɛ
 elɛl eke m'ikɛn anym mi dad ab af: ɔny owi anɛn
 ɛy ɛrm ɛm, ɛtɛn s'okr af owr anɛn ɛm tonɛn low ɛm.

4 M'ɔny ɔnm ligbɛl ɔny ɛm ɛtɛn ntɔtɛn b'ok'm ɔny
 eci. Eke s'ɔny ses babur nɔnɔ yɛji, m'ɔny sos es
 atr nɔnɔ ɛtɛn sos ɛm iɛn iy'm ɛm gbɔnɛn.

5 Tasi ɛm a, eke s'im s'ok Maseduan a, s'ɛnɛnm
 sel es ok kaka. Kɔ nana, gbre ɛnɛn ɛnɛn s'ɛnɛn ɛsɛ:
 agɛn eke ok ɛy af lele ɛrm ɛm ec'ernɛn ab. 6 Gbɛkɔ
 Nyam eke b'atr agɛn eke sos b'ow es a sos es a, atr
 ɛy sos es Tit ec'ow a ek'anɛn ow ab ɛm. 7 Ɛtɛn ow
 elm Tit ec'ow a ɔny cɛ atrm ɛy sos es, kɔ ɔny e
 sos a eke atar ir es ec'amani a eke n'ɔnɛn ɛy a yɛji.
 Li dad eke ɔny ɔnyɛn ɛm ec'ɛkn ec'erur nɔnɔ. Ɛtɛn
 li dad ɛy ɔny e sos ɛm ɛy owi low a ek'ɛy a eci

† 6:18 Ɛkn Ob Ap 26.12; 2 Samiɛl 7.14; Esayi 43.6; 52.11; Jeremi
 31.9; Ezekiel 20.34; 37.27; Ose 2.1.

lele em e doghn eke doghnin'm gbragbra kok em ab ab. Ów amua anake òh em e sos em ìhñ a agb nòhò a.

⁸ Tasi em a, eke em e lel es abal el a òwr òny sos es, ke em, ow e low òym im sos em ij. † ÈÈ, m'uw any tasi eke lel a òwr òny sos es lègñ tìl eci, ètñ nawrè ow e low èy'm sos em, ⁹ gbèkò caca em a, m'any sos em ìhñ em. Ow elm òny e sos es òw a sosisem, kò eke òny e sos es òw a òh òny itñnin es an a sosisem. Sos es òw a eke Nyam b'erur in ec'agn ec'ab ana, ètñ nèné a, ow am yègm eke si kokm òny low ñhñ. ¹⁰ Tasi em a, sos es òw a eke b'akpl Nyam sos em a, b'òh èy s'itñ es an ètñ bi nyimn èy sel èhñ em. Sos es òw nèné a òtum eke k'èy èy sos em. Gbèkò wus ec'ów ec'erm mij ebr a eci sos es òw a, ek'itñnm ègñ ec'es an a, bi nyimn ègñ luw em. ¹¹ Òny eci sos es òw a akpl Nyam sos em. Sica lèèr ow ec'èy eke ow òsu: ow òh òny low es ogñ kok lele low oc ap ec'ibrm ab! Ow òh òny low sos em èy lele low uru low kok em ab! Ow òh òny em ec'èkn ec'aw lele em e doghn gbragbra kok em ab! Ètñ ow òh òny low ñhñ kok es a eci low èw òh! Low na em a, yègm eke ònymn low af ok kaka.

¹² Sica m'awhñm òny lel ègñ a eke kok low ñhñ a sosisem oglog ègñ a eke wèl kok low òbr a sosisem. Kò m'erur eke mi ki yègm òny Nyam ec'any af, èkan eke b'erurir èy owi tasi. ¹³ Na anake el low ek'atr èy sos es a.

† **7:8** Lèl na eke Pol awñ Korent e Nyamel a s'onym ow anm usu kaka. Lèl a eke si b'èsn 1 Korent a e jam anake ni non lèl na ek'irm a. Èkn 2 Korent 2.3 lel ow ec'akr otar ab ab.

Էտյ sos es atr na e low ek'ign af, ke obn ey e sos em inñ a el Tit eci sos em inñ a ek'eyñ a. Էե, օնյ ֆեյ eyar ir erm es. ¹⁴ Nawրե, in ec'any af mi dad օնյ ec'odad neny ij em, էտյ օմն'մ էս. Տեղյ ֆեյ si bi dad օնյ low nenyembri nyam em, էտյ kin ow e low ek'ow ism ab: m'օնյ low ij eke mi dad օնյ e lís owi neny ij em Tit ec'any af. ¹⁵ N'am օկն elel a eke օնյ ֆեյ elumn low lele օնյ ec'elel a eke ebr ir elum ligbel em lele sos ufñ em ab a. Էտյ ow sosiem in ec'erur a e n'օնյ օնյ ec'a emeny agb obn. ¹⁶ Sos em am inñ'm eke m'օտս eke mi k'օմն օնյ low ֆեյ em a.

8

Jerusalem ec'օմն esel a ec'abu elum a

¹ Agñ lisijimel, kin yec'eke s'am erur eke k'uwр any: Nyam elu in ec'erm mamn a օկմ bibm eke n'օղ Maseduan e Sinyamel ab em. † ² -L'օbr ses babur ոօոօ էսե էբմ էկն af, gbեկօ օմն esel a sos em inñ iy em gbօղ. -L'ij gbօր ոօոօ, gbեկօ -l'elս erm mamn օնյ ոօոօ օկմ էլ ec'օb eke -l'apr ab em. ³ -N'օղ yec'a eke -l'օtur a, էտյ -n'օղ ow afñ es yeji, m'ij ow e danku. Ow elm lēc em wél օնյմ էլ -n'օմ; կօ էլ obi tasi ec'erur em -li kok. ⁴ Tasi em a, -l'ibrm ey atrm em eke էլ yeji, էլ ec'abu k'anñ Jerusalem ec'օմն esel a ec'abu elum owi ab em. ⁵ -L'ikñ anym -l'ocr էլ sosi -n'օղ Էս Կօտօկօ, էտյ ow e jam a, -l'ocr էլ sosi -n'օղ ey yeji, էսե elel eke Էս Կօտօկօ erur ab af. Էտյ na el low eke s'օմնմ kaka. ⁶ Na sosiem anake s'atr Tit sos es eke li

† **8:1** *Maseduan e Sinyamel*:ow el Sinyamel էսե: Filip baղն ec'a, Tesaloni baղն ec'a lele oglog Bere baղն ec'ab ab.

k'ɛwl l'ow ɔny ogh yogh, ke l'úwar ɔny ec'erm mamn ɔny e juma mamn a eke l'ob nuɔ a. ⁷ ɔny ijr læc ów ów a fɛh em: ijr læc ɔmn em, Nyam odad dad em, uwr Nyam ec'ów ab any, sɛgh fɛh bɛbmɔn sos low kok eci, etɔ ɔnyn ɛy ec'erur yɛji. Na sosiem, ow it eke ki yɛgmɔn ɔny e læc ij a, ɔny ec'erm mamn ɔny ab em yɛji.

⁸ Ow elm ol m'ɛwm m'ɔɔm ɔny, kɔ Nyamel bɛb a ec'elel eke gbragbra kok em kokr low a cɛ m'am dad ɔny. Nɛnɛ ke m'ónɔ ɔny abusu yɛgmɔn eke ɔny ec'erur a el nawrɛ tasi. ⁹ Tasi em a, ɔny uwr ɛy ɛs Kɔtɔkɔ Jesu Krist e bibm a lele erm mamn ab ab any. L'el gbɛnɔgbi, gbɛkɔ ɔny sosiem l'ɛgh gbɔr l'eb, yec'etɔ ke in e gbɔr a óh ɔny eel egbɛnɔgbi. ¹⁰ Em ec'elel eke m'am ɛkan low a el, ke kókr low a ek'obr nuɔ lakpo jam a yibar, anke ɔny eel agɔ krɛkrɛ eke is ob ap na e tutr a, etɔ ɔny cɛ eel ɛmɛny agɔ krɛkrɛ ek'ob nuɔ kok ow e low. ¹¹ Eke isr ow e low a, yɛgmɔn ɔny ec'erur ek'ɔnyn a. Ow sosiem erur nyam ab em cɛ, ùcur low a ɔnyn es toɔ ke íghɔ nuɔ ɛgh ɛgh ec'ob ek'ɔny ab em. ¹² Eke wɛl b'ónɔ erm frɔrɔ em a, Nyam b'ɛkn ow e s'ɔny a etɔ li b'eb ow eke si b'ap a. L'íbram eke si k'ap ow eke s'ɔnym a.

¹³ Ow elm ke wɛl óh ɔny ijr gbɔr agɔ ɛjec'a ec'abu ɛlum a sosiem. Njan, kɛnɔ kɛnɔ eke k'eel a wɛl am ɔl. ¹⁴ Lɛgh na em a, ow a ek'ɔnyn bubu af a ɔtu eke k'ɛlum agɔ ɛjec'a ek'ɔnym a abu, yec'etɔ eke lɛgh nyam ɔnyn es abur etɔ el -n'ɔny ob nɔnɔ a, ke el yɛji -l'ɛlum ɔny abu. Nɛnɛ ke ɔny fɛh ɛel kɛnɔ kɛnɔ. ¹⁵ Nyam Lɛl dad ninɛ: ɛgh a eke ot nɔnɔ a, ɔnym ob ij afɔnm es.

Εγη a eke ot tel a, opim ob ij legη kaka. †

Tit lele kretiηel ejec'ab im Korent

¹⁶ M'am oη Nyam bia, anke n'οη Tit gbragbra kok nyam a ce eke li k'oc l'elum ony abu, l'akm em obi ec'a e m'onu a. ¹⁷ Tit eγη ey ec'erm a ek'el ony ec'ow ekn a emeny eb, eηη n'am oγη es eke kpekη li k'ow ony oγη yogη. ¹⁸ S'am oη'n l'ow eγη lisijim nyam ab. Eγη lisijim a, Sinyamel a feη b'aw'r, in ec'Amani Mamn ec'ob e juma kok a sosiem. ¹⁹ Eηη ow elm na ce! Sinyamel a sosome oc'r, yec'eηη ke l'igη ey ab s'oc bibm na s'im. Ow el juma eke si ki kok, ke am elu Es Kotoko in obi ec'anygbel okm, ke am yegm ey ec'abu elum ec'erur e s'onu a. ²⁰ Wel abul ey os nono, eηη s'am erur eke wel ki cakm ey ec'eel eke s'am kokr ow e juma a. ²¹ S'am ol low yec'eke akpl ab es, eηη ow elm Nyam ec'any af ce, ko aγη ec'any af yeji.

²² S'onu ey lisijim nyam yeji igη Tit lele eγη lisijim nyam a eke k'ewl'l ab ab af. Eγη lisijim na yegm ey sakp nono in ec'eel eke li b'erur tasi l'elum aγη ejeci abu a. Caca em a, li b'erur es oγη em tasi l'elum aγη abu, anke n'onu onn nono ony em. ²³ M'am oη Tit ek'el em lawl ke bi kok juma em ab ony sosiem ec'a, lele aγη lisijimel ejeci amua ek'el Sinyamel ec'erm esel a ow ekn ony. El feη Krist ec'anygbel a e juma -n'am kok. ²⁴ Ow sosiem yegmn el eke b'erurir el, yec'eηη ke ow oηη Sinyamel a uw any nawre, ke -l'ekn yej'eke ntotη otu eke k'ok ey ony eci.

† 8:15 Ekn Okm Ok 16.18.

9

Nyam b'erur egn eke b'ɔŋ sos em iŋn em a

¹ Jerusalem ec'ɔmn esel a ec'abu elum eke wɛl k'oc im ɔŋ ec'a, † ow ebam eke mi k'awŋ ɔny ow e lel. ² M'uw ɔny e sow tutr amamn ab any. Maseduan ec'agn lisijimɛl a ec'any af, m'ij nɛny mi dad el eke Akayi † ogog ec'agn lisijimɛl a, lakpo jam etŋ bebɛm sos abu elum na ec'os a eci. Etŋ ɔny e low na eke ogŋn es egn ebr a, atr agŋ nɔnɔ sos es. ³ Ow sosiɛm m'erm agŋ lisijimɛl amua, † yec'etŋ ke -l'ɛkn tasi eke bebɛmn sos. Ow ɔŋ ke wɛl ɛkn eke ey e nɛny a e s'ij ɔny ec'a elm ɔfr ɔfr. ⁴ Sica eke Maseduan ec'agn ign'm ab ow etŋ ɛkn eke bebamn sos, ow b'ow ɔny ey ɛs nɔnɔ eke s'oc ɔmn s'elu ɔny em, etŋ ɔny yeji ow b'ow el ɔny ec'ɛs. ⁵ Na sosiɛm m'ɔny tutr eke ow akpl ke m'ikŋ anym m'ɔŋ agŋ lisijimɛl amua ów ɔny ec'araŋn bɛbm ob ap mamn a eke dadr ow e low ɛwr es a, ba mi b'anŋ m'ow a, ke fɛŋ iy nɛny ŋ, ke wɛl ɛkn eke ow el erm frɔrɔ em ɔŋn, kɔ ow elm atrm em.

⁶ Kin yec'ek'it eke k'uwr any: egn eke b'ewl tel a, b'ub tel, etŋ egn eke b'ewl nɔnɔ a, b'ub nɔnɔ. ⁷ Ow akpl ek'egn egn k'ɔŋ ɛsɛ elɛl eke li tutr in ec'erm em ab af, ow k'elm sos es ɔw em lele atrm em ab. Tasi em, Nyam b'erur egn eke b'ɔŋ sos em iŋn em a. ⁸ Nyam ɔny abusu eke k'ɔŋ ɔny ów amamn fɛŋ ow afŋn ɔny es. Ow ɔŋ sɛgn fɛŋ

† **9:1** ɛkn Rom 15.25; 1 Korɛnt 16.1-4. † **9:2** Akayi: ɛkn 2 Korɛnt 1.1 lel ow ec'akr otar ab ab. † **9:3** agŋ lisijimɛl amua: aŋa Tit lele agŋ lisijimɛl yony ab ab e low wɛl am dad, ɛkn 2 Korɛnt 8.17-24.

ɔnyn ow ek'it a, ke ɔnyn ow bubu af, ɔcr kokr ɔw amamn. ⁹ Nyam Lel dad Nyam ec'egɛ e lís ninɛ:

Li b'ɔɛ ɔgbɔru erm mamn ɔny ɛm,

ɛtɛ li bi kok sɛɛɛ fɛɛ yec'ek'el nyim nyim a. †

¹⁰ Nyam anake b'ɔɛ egb ewl ɛs egb ey lele futufutu eke li k'ij ab ab a. ɔny yeji in ɛɛ li b'ow n'ɔɛ ɔny egb ey, li kok ow ɛny ke n'ɔɛ ow agb. ɛtɛ ɛbɛn a, ɔny ec'ow nyim nyim e kok a b'ow ɔsu ey amamn nɔɔɔ. ¹¹ Kaka fɛɛ, Nyam b'ow ɔɛ ɔny ɔnyn ob, ɛtɛ b'ow ɛlul ɔny ec'erm mamn ɔny a ɔkm. ɛtɛ agɛ nɔɔɔ b'ow ɔɛ Nyam bia sob ap amua eke si b'ow s'ɔɛ ɛl ɔny e nin ɛm a eci.

¹² Ob ap na ɛm, am ɛlumn Nyam ec'agɛ lala a abu. ɛtɛ ow elm ke ɔɛɛ ɛl fɛɛ a eke -n'ɔnym a ɛɛ, kɔ ɛmɛny b'atar ɛl sos es eke -li ki ɛɔɛɛ Nyam nɔɔɔ -l'ɛlu ow bia. ¹³ ɔw amua fɛɛ sosiɛm, -li b'ow -l'ɛkn juma na e leg a ɛtɛ -li b'ow -li kɔkɛm Nyam, aɛke bi ɛɛcr erm mamn ɔny ɛm yec'a eke ɔnyn a, Jerusalem ec'ɔmn ɛsɛl a lele ɛjɛc'a fɛɛ ab, ɛtɛ am yeɛgm eke b'elumn Krist ec'Amani Mamn a. ¹⁴ Nyam in ec'erm mamn ab ɛm ɔɛ ɔny in e bibm a ow bubu af. Ow sosiɛm, -li b'ow -li yeɛgm ɔny ɛl ec'erur a, Nyam eke -li bi ɛɔɛɛ -n'ɔɛ ɔny ab ɛm. ¹⁵ S'ɔɛɛ Nyam bia in ec'ob ap mamn a eke wɛl k'ɔtum ocm bɛbmnm ab a eci.

10

Pɔl am dogɛɛ sos agɛ a ek'am okr ɔw af a e lís

† 9:9 ɛkn Selu 112.9.

¹ Ɛm Pɔl, Ɛm anake m'am ibrm ɔny low Krist ec'erm frɔrɔ lel erm mamn ab ab Ɛm a. Wel am dad eke Ɛm b'anɔ tɪɔ eke Ɛm b'anɔ ɔny ec'any af a, kɔ Ɛm b'anɔ akpɔj a, nɛny in b'ɔtu'm nɔnɔ. ² M'am nɔɔɔn ɔny, k'ɔɔn mi k'ew gbagba lɛɔɔ a eke mi b'ow m'ow ɔny ec'araɔn a! Agɔ bɛb bi tutr eke s'am kok low ɛɛ wus ec'agɔ ɛs el af. Ɛɛ, agɔ nɛnɛ e lɪs a, m'am tutr eke mi b'ow m'elu Ɛm ec'erm susu a ɔkm ɛɔɔ ek'ow it yeɔi mi b'ow m'ew gbagba. ³ Nawrɛ eke s'el agɔ gɔɔ, kɔ mum a eke s'am ogɔ a elm agɔ Ɛm eci. ⁴ Mum a e mob a eke s'am ot s'ogɔn a elm agɔ ec'a. Ɛl e lɛc a, Nyam ogɔ a ow b'anɔ ow nɔɔn ob fɛɔ eke b'atar in ab a. Si bi nɔɔn sow tutr yadɔ Ɛm a fɛɔ. ⁵ Si b'ɔny tutr fɛɔ e b'ɔl eke k'ɛdɔn agɔ Nyam ec'any uw a s'oc ɛs. Tutr fɛɔ eke b'atar Nyam ab a, si b'ɔny'n lɛc Ɛm eke li k'elum Krist. ⁶ Ɛɔɔ eɛen a, s'inym ɛs eke low eluam fɛɔ ec'a, si k'ew low s'ɔɔ ɛɔɔ, gbɛkɔ ow akpl eke k'ɔny abusu ɛlul ɔny ec'elum a nimum ɔkm ye.

⁷ Lɛɛr ɔw a ec'elɛl ek'anɔn a sɛnyɔn sɛnyɔn! Eke ɛɔɔ nyam ɔny tutr eke in sɔny cɛ l'el Krist eci, ow it ke ɛmɛny li tɔtr sɛnyɔn sɛnyɔn: ɛy yeɔi s'el Krist eci ɛɛ in af. ⁸ Ɛs Kɔtɔkɔ ɔɔ ɛy abusu eke si k'ɔɔ ɔny e Nyamel a agb ɔmn Ɛm, kɔ ow elm in e nɔɔn eci. Nawrɛ eke low na ɔɔ ntotɔ ok'm nɔnɔ, gbɛkɔ mi k'ow m'ururm ɛs na sosiɛm. ⁹ M'erurm eke k'ɛkan'm ɛɛ ɛɔɔ eke b'ok agɔ ɛrɔn lokm, in e silɛl e li b'awɔ ab Ɛm af. ¹⁰ Tasi Ɛm a, agɔ bɛb bi dad ɛɛ: «Pɔl e silɛl a b'ew kpɔn kpɔn lele lɛc Ɛm ab. Gbɛkɔ eke li b'anɔ ɛy ec'araɔn a, li b'ew fuɛfuɛ ɛɔɔ sodad eke li bi dad a ɛlm low kaka.»

11 Ke εγη a ek'am dad odad nene a, úw low na gbε any: eke si b'any kpekpe a, si b'awη silɛl kpaη kpaη. Λεγη eke si b'ow s'any ɔny ec'any af a, si b'ow si kok εben kpeη.

12 Agη beb b'awr εl sosi nɔnɔ, si k'otum si bebmn εl ab oglog s'otm εl es. -Li b'ocr εl sosi εσε ob bebmn ob af -li bebmn εl sosi, ke -n'ɔny εl sosi -l'igbl ogη -l'εkn. Na nuη εm ηηη! 13 Ey ec'a, si k'ow si yeβm ey eci ntotη ok a iim nɔnɔ nene. Eke Nyam nyimn ey s'ow s'εηη ɔny a, li yeγm ey yogη ek'ey e juma e l'abul ey a k'im ok a, ετη si b'ow s'oc ereb a εσε ey ec'ob bebmn ob af. 14 Blel s'owm toη s'okm ɔny ogη aηa ana, wel ɔtu e k'ɔny tutr dad eke s'am afη ey ec'abusu a ec'ereb ab es. Kɔ ey tasi anake s'ikη anym s'oc Krist ec'Amani Mamn a s'ism ɔny ab a. 15 Εben a, ey s'εwm sos εσε εben agη ejeci e juma e kok a e low ce εs am ibrm af. Kɔ ey s'am ɔmn eke ɔny ec'ɔmn a b'ow obn ετη εμεny s'ɔtu eke si ki kok juma nɔnɔ ɔny ogη yogη. Gβεkɔ s'erurm eke si k'afη ereb a eke Nyam εw ɔη ey ab es. † 16 Ow e jam a, si b'ow s'im s'ɔb Amani Mamn a e kokoba susu eke ibn akm ɔny ogη aηa. S'erurm eke si ki kok juma agη ejeci e juma kok usu a, ke s'εw sos ów a eke -l'ikηη anym -li kokr a eci.

17 Eke εγη nyam erur eke k'εw sos, ke l'έw sos εs Kɔtɔkɔ sosiεm. † 18 Tasi εm a, ow elm εγη a eke b'awr in sosi a wel áwm, kɔ εγη a eke εs Kɔtɔkɔ b'aw a.

† 10:15 Έkn Rom 15.17-21. † 10:17 Έkn Jeremi 9.23; 1 Korεnt 1.31.

11

Ɔɔl lele ɛrm ɛsɛl ayadɔu ab ab

¹ Oy! Blel k'égɔn ebr ke em yeji mi dád ów ɛsɛ nunɔ em nɔnɔ ɛs af! Ɛɛ, na ec'a ègɔn ebr'm ɛben!

² Erur eke m'ɔny ɔny ec'a b'ogɔn uwernɔ, ɛtɔ el uwernɔ eke b'anɔ Nyam ogɔn ow. Tasi em a, igɔn ɛbiu nyam ɛɛ m'ɛwar ɔny in e low m'ɛw ɛs: in l'el Krist. Ɛɛ, mi b'ow m'oc ɔny mi yeɔm'n ɛsɛ dedyɔwli ek'itam em kaka af. † ³ Gbɛkɔ ɔkan low na: lorɔn oc yadɔn em ɛju Ɛv. Ow ɔn ɛrɔn am ɔny'm ek'ɔny yeji, wɛl ki dad ɔny sow tutr yadɔn, ke ow ɔny kpab ɔny ɛs ów ɛɛɛ a lele lala ab ab eke ɛɔan Krist ab ec'af okr ab em a e lís.

⁴ S'ɔb ɔny Jesu ec'amani, ɛɔan Abɔ Lala ɛtɔ ubr Amani Mamn a nawrɛ. Kɔ sica b'ow ɛgɔn ebr fafa nɛnɛ eke ɛgɔn ɛjɛci nyam k'ow dad ɔny Jesu ɛjɛci nyam ec'odad, abɔn ɛjɛci nyam ec'odad, ke ɔb ɔny amani ɛjɛci nyam eke irimn ow e low lɛgɔn kaka ab ee?

⁵ Kɔ em e tutr em a gbɛ, mi k'ɛknm eke ɔny eci “ɛrm ɛsɛl ɛgbɛl” a k'ɔny any akm im. † ⁶ Nawrɛ eke nɛnym okm im ɛs odad dad em ɛsɛ ɛl af, gbɛkɔ Nyam ec'any uw ec'a, in yeji low ɛjɛci! Ɛtɔ na, lɛgɔn fɛɔ si yeɔm ɔny kpata low fɛɔ eke si kok ab em.

⁷ Eke m'ɔb ɔny Nyam ec'Amani Mamn a, em m'is ɛs anke m'ibram ɔny os kaka. Gbɛkɔ ow el sos eke mi k'usr ɔny eci. Kɔ na low ɛyr e mi kok ana ee? ⁸ Eke m'am kok juma ɔny ogɔn

† **11:2** Bèbmɔn Efɛs 5.25-27 ab. † **11:5** “*ɛrm ɛsɛl ɛgbɛl*”:aɔa Korɛnt e Nyamel ab em eci low yeɔm ɛsɛl bɛb a eke am yeɔm agɔn amani mamn ɛjɛc'a e low Ɔɔl am dad.

a, Sinyamel ejeci anake ɔŋ'm os a, ɛtɛ m'oc el ec'os a m'elum ɔny abu. ⁹ Ke ɔny ec'araŋn eke m'anŋ a, m'ɔny os ec'es abur cɛ, gbɛkɔ m'ibram ɔny low kaka. Maseduan ec'agɛɛ lisijimɛl ek'anŋ ow a ism'm fɛŋ a eke m'ɔny ow ec'es abur ab ab. Sɛŋɛ fɛŋ mi kok elel eke mi ki legm ɔny ɛtɛ m'erur eke lɛŋɛ kaka mi ki legm ɔny. ¹⁰ Ntotɛ am ok'm ow eci ɛtɛ Akayi wus ogog a ec'ɛŋɛ kaka k'ɔtum ɔbm im yadɛ ɔnym ɛm eci ntotɛ na ocm es. † Low nawrɛ tasi m'am dad aŋke m'ɔny low nɛnyɛmbri nyam ek'anŋ Krist ɛm a. ¹¹ Bla sosiɛm m'am dad odad nɛnɛ ee? Eke m'erurm ɔny a sosiɛm ec'ee? Njaŋ, Nyam uw any eke mi b'erur ɔny. ¹² ɛtɛ mi b'ow m'ucu m'ɔny es m'am kok ɛbɛn, ow ɔŋ agɛɛ ek'am ɔl abusu eke k'ɛru es ke ij nɛny eke el ɛrɛŋ ɛm si bɛbmɛn a, k'ɛŋɛm abusu na kaka! ¹³ Agɛɛ amua el ɛrm ɛsɛl ayadɛɛ lele juma kok ɛsɛl ek'ɔny ɛnyɛmbri yony yony ab. -Li bi kok nyandɛ ɛsɛ Krist ec'erm ɛsɛl cɛ wɛ'n el af. ¹⁴ Nawrɛ, low kaka ɔnym any iti aŋa, aŋke Satan in obi yɛji bi kok nyandɛ ɛsɛ usuayl ec'afr ɛrm ɛs cɛ ow'n el af. ¹⁵ ɛtɛ in e juma kok ɛsɛl ec'a yɛji ɛbɛn cɛ. Ow ɛwm any iti eke -n'am kok nyandɛ -l'el juma kok ɛsɛl ek'am kok yec'ek'el nyim nyim Nyam ec'any af a. Gbɛkɔ el ec'owr anŋ a b'ow uwr ɛsɛ elel ek'ow it eke k'ɛbm el ab af, el ec'elel eke -li kokr ab ɛm.

Pɔl e gbɛrɛ ɛrɛŋ ɛrɛŋ ek'ij

¹⁶ M'am ebr ɛm m'ɛsɛ: kɪ tutar eke nuŋ ɛm uŋ'm! Oglog ɛgɛŋn ebr eke nuŋ ɛm uŋ'm, yec'ɛtɛ

† **11:10** Akayi:Korɛnt banŋ a Akayi wus af ow anŋ; ɛkn 2 Korɛnt 1.1 lel ow eci akr otar ab ab.

ke em yeji m'ótu m'ij neny tel. ¹⁷ Sica odad na eke m'am ow mi dad a, mi dadm ese elel eke Es Kótoko erur ab af, kó ese nun em nun es af. Gbeko m'ony ów tasi e m'ótu eke mi k'eb ow af m'am ij neny. ¹⁸ Agn noko b'ij neny agn em ec'ów sosiem, ow sosiem em yeji mi b'ow m'ij neny. ¹⁹ Ony eke b'ocar ony sosi esewru a, ony obi em b'eghn en em enun esel ebr! ²⁰ B'eghn ebr wel kok ony ese madu af, wel eb ony ob feñ ek'onyn a, wel iy ony mil! B'eghn ebr wel itar ony any, wel dedn ony any af! ²¹ Es am ony'm eke mi ki dad, eke s'onym sos si kokm eben a!

Eke egn nyam am egn eb ij neny low nyam eci, aña m'am dad odad ese nun em nun es af, em yeji mi b'ow m'egh m'eb mi kok eben. ²² -L'el Ebre eyn, em yeji m'el! -L'el Israel eyn, em yeji m'el! -L'el Abraham ec'alaw, em yeji m'el! ²³ -L'el Krist e juma kok esel, em m'el m'akm el feñ! Etn low na eke aña m'am m'ow mi dad m'usr af a yeji, anñ ese nun em nun owi af: mi kok juma m'akm el feñ, m'ey sobel em sakp noko m'akm el. Or yeji, em wel or'm sakp noko akm el, etn sakp noko ar okr'm es akm el. ²⁴ Sakp yen eke Jwifel iyr'm ngbre likñ lele lew libarm ab. † ²⁵ Sakp nyahan eke Rom eyn or'm lec em lec em, akp nyam eke wel wowl'm mebn em ec'ibi eci. Sakp nyahan eke mij blel oc'm, etn akp nyam

† **11:24** Ekn Ol Okn 25.3. *Jwifel iyr'm ngbre likñ lele lew libarm ab a:* ol edñ eke wel k'iy egn eke kok low a ngbre ow afñ ekn yony es. Ke ow áyl'ñ sos em tasi eke iyrm ow afñm es a, Jwifel am iyr egn a ngbre a ba ow b'ij likñ lele lew libarm ab a ke -l'ew abu es. Ow sosiem anake wel bi dad ekn yony ke óny nyam oc es em a.

ec'a, m'ann̄ lɛɣn̄ owr nyam lele ncok nyam ab mij em. † ²⁶ Em eci usu im nɔnɔ ab em, ar okr'm es sakp nɔnɔ: simij ec'any af, agn̄ ibiu ec'any af, em lisijimɛl Jwifɛl em oglog el ek'elm Jwifɛl em. M'obr ar eb eb em, loj em, okij af lele agn̄ lisijimɛl ayadɲu ab e lís. ²⁷ Mi kok juma eke kikn'm sos es etɲ sakp oglog m'otum m'erum memn. Namn lele mij amn ab ɔny'm etɲ sakp oglog m'otum m'ɛɲnm ob m'ijm. Lɛfr ɔny'm etɲ m'ɔnym mob mi susm. ²⁸ Etɲ mi dadm low a tasi ek'ɔny any a ec'odad: sɛɣn̄ fɛɲ mi b'ebr em e Sinyamel a fɛɲ e low ec'erm mij. ²⁹ Eke ɛɣn̄ nyam cɛ ɛw fuɛfuɛ, em yɛji kpɛkɲ m'ɛw fuɛfuɛ. Eke ɛɣn̄ nyam cɛ ɛy sikpl owi em, ow e low ám ɛy'm sos em nɔnɔ.

³⁰ Ek'ow it nɛny ij, mi b'ow m'ij nɛny eke m'el fuɛfuɛ. ³¹ M'ɔnym yadɲ, Nyam ɛy ɛs Kotɔko Jesu ec'ɛs uw any. Si kóklm'n akpo akpo fɛɲ! ³² Eke m'ann̄ Damas eb em a, eb ɔsu es ek'am kok es ɛw es Aretas e juma a, ɔɲ wɛl am ɔsu eb a e masany a fɛɲ em ec'ɛdɲn̄ eci. ³³ Gbɛkɔ agn̄ lisijimɛl a ɔɲ wɛl ɔny elu'm ulu ligbɛl nyam em, etɲ usm'm es finɛtr em, eb a e lakp ogog kpakp a e jam a, etɲ m'otu m'akm'n. †

12

Pɔl sos em am iɲn eke li k'ij Krist eci gbɛɛ

† **11:25** *Rom ɛɲn̄ ɔr'm:bɛ̀bmn* Ob Kok 16.22-23 ab; *wɛl wowl'm mebn*: Ob Kok 14.19-20; *mij blel oc'm*: Ob Kok 27.39-44 em a, si b'awl mijetɲ nyam eke mij oc im e low, gbɛkɔ Pɔl nɔn̄ lɛl na oc es gbun̄ etɲ low a ɛy. An̄a ow am yɛgm ɛy eke ow elm Ob Kok 27.39-44 em e low a li dadm, kɔ sakp ɛjɛci nyahan eke mij blel oc'r a e low anake n'am dad a. † **11:33** *ɛkn* Ob Kok 9.23-25.

¹ Kɔ ow it eke mi k'ij neny ee? Ow k'ow elm im low kaka. Gbɛkɔ m'am m'ow mi dad ów eke Ɛs Kɔtɔkɔ yɛgm'm m'ɛkn lele ow eke n'onyl'ok ɔkm ab ab e low. ² M'uw Krist e jam us ɛs nyam any, † ɛtɛ ow ij akpo lɛw yar ɛ̃, Nyam ɔny ɛɛɛ na uyum afr kpekpe. Kɔ in e sos megl ab ab ee? M'uwm any. Kɔ ow elm in e sos megl ab ab ee? M'uwm any, kɔ Nyam gbɛ uw any. ³⁻⁴ M'uw any gbɛ eke Nyam oc ɛɛɛ a im afr ec'usu mamn a. Kɔ in e sos megl ab ab oglog ow elm ow ab ee? M'uwm any, kɔ Nyam gbɛ uw any. Yogn, l'iri sodad eke ɛɛɛ e neny k'ɔtum dadm. Ow el sodad eke ɛɛɛ kaka ɔnym abusu eke ki dad. ⁵ Ɛɛɛ na eci gbɛ mi b'ow m'ij neny. Gbɛkɔ ɛm ec'a, eel eke m'anɛn a sosisem mi b'ow m'ij neny ɛm e fuɛfuɛ el a eci. ⁶ Eke batɛ m'erur neny eke mi k'ij a, mi k'ow m'ijm nyamb, low eke el nawrɛ a cɛ mi b'ow mi dad. Gbɛkɔ m'ijm neny, yec'ɛtɛ ke wɛl dád ɛm e lís owi, ow a cɛ eke wɛl am ɛkn'm mi kok lele ow a cɛ eke wɛl am iri mi dad ab ab af, ke low ɛjɛci kaka k'ígɛm af.

⁷ Ów a eke Ɛs Kɔtɔkɔ yɛgm'm m'ɛkn a agb nɔnɔ. Gbɛkɔ l'erurm eke mi k'ij neny na eci. Ow sosisem l'oc ɛbm ɛkn nyam l'elu'm sos ɛm, b'ijr'm gbɛ ɛsɛ mirɛ eke b'ub es anɛ ɛɛɛ sos ɛm ab af. Ɛtɛ ow anɛ ɛsɛ Satan ec'erm ɛs nyam eke wɛl ɔɛ eke k'ɔr'm ke ɛdɛɛn'm neny ij af. ⁸ Sakp nyahan eke mi ɛɛɛ Ɛs Kɔtɔkɔ eke k'ɔny oc'm es gbɛ ij

† **12:2** *Krist e jam us ɛs nyam any*:Pol, in obi e low n'am dad. *afr kpekpe*: odad ebl na Grɛk ɛm a afr nyahan ɛm. Jwifɛl e nawrɛ ub ɛm a, ow el usu a eke Nyam ir ke wɛl b'ɛsɛɛ Paradis a (ɛkn akr 4 ɛm a). Yogn cɛ anake agɛ a ek'el Nyam e lawlɛl a b'anɛ a.

na em, ⁹ kɔ li dad'm nine: «Em ec'erm mamn a ce ɔɔɔɔ. Eke b'any fuɛɛ a, yogɔ em tasi anake em e leɔ a b'ey ɔkm a.» Ow sosiem, em e neny ij a tasi b'ow el em e fuɛɛ el a, yec'etɔ ke Krist e leɔ a any'm af. ¹⁰ Na sosiem m'am eɔɔɔ fɛɔ m'eb sos em iɔɔ em: leɔ ɔnym, wɛwɛ, ses babur, em ec'ɔmn a sosiem e gbɛ ijr lele erm mij ebr fɛɔ ab. M'am eɔɔ fɛɔ m'eb Krist sosiem eci, anye eke mi b'any fuɛɛ a, yogɔ em anake mi b'ij leɔ a.

Pɔl am ebr Korɛnt ec'ɔmn esɛl a ec'erm ij

¹¹ Sica am ekan eke m'am kok nuɔ em nuɔ owi a! ɔny anake ɔɔɔ ke m'am kok eɛɛ a. ɔny anake blel dadɔ em ec'ow amamn ek'any'm em a, anye eke m'elm low kaka yeɔi, low kaka anm eke ɔny eci “erm esɛl eɔɔɔ” a ɔny akm'm! ¹² ɔny ogɔ yogɔ ekan em ec'erm susu ligbɛl a, simɛny ewɛ a, ow any iti owi a lele sakrowa ab ab. Ow amua fɛɔ am yeɔm eke m'el erm es wɛwɛ tasi. ¹³ Bla obi Sinyamel ejec'a ɔny eke ɔny ɔnymn ee? Eɛ, nawɛ gbɛ, m'ɔɔm ɔny labm kaka! Kɔ na anake el low nuɔ ab ee? Eɛɛ ke ɔc apr'm ɔ!

¹⁴ Mi bebɛm ɔny ogɔ yogɔ e sakɔ nyahan em ec'ow e sos † etɔ mi k'ow m'ɔɔm ɔny labm kaka. Em, ow elm ɔny ec'os a m'ɔlm es, kɔ ɔny obi ɔny obi. Nawɛ em a, ow elm etuey am kokm os ɔɔm el esɛl, kɔ ey esɛl anake it eke ki kok os ɔɔ el ec'ey a. ¹⁵ Em gbɛ, sos em b'ow iɔɔ'm eke mi kɔ nuɔ os ɔny eci, ke m'oc em obi e sel a nimum yeɔi m'igɔ af. Kɔ eke m'erur ɔny ɔɔɔ nɛnɛ a sosiem anake ɔny k'ow erurm'm ɔɔɔ ab ee?

† **12:14** Ekn 2 Korɛnt 13.1 em a lele ow ec'akr otar ab ab.

¹⁶ Nawre eke m'ɔɔm ɔny labm kaka, gbeko agɔ beɓ dad eke yadɔ em am ɔny etɔ em e kprakpr ab em, em ɛju ɔny. ¹⁷ Ko eke b'ewr nyamn ekan agɔ a feɔ eke m'ɔɔ ow ɔny ec'araɔn a, el em ec'egɔ nyam anɔ eke m'ecr in em m'ij ɔny os ee? ¹⁸ Mi dad toɔ Tit egɔ eb eke k'ow ekɔ ɔny, etɔ m'ɔɔ egɔ lisijim nyam igɔ'n ab ow. † Ko Tit ij ɔny os ee? Ko in lel em ab, s'ɔnym tutr nyam coco ejagb nyam a eke s'ɔkɔ any ab em ee?

¹⁹ Ow ibn ek'am tutar eke s'am dogɔn sos ɔny ec'any af. Njaɔ! Nyam ec'any af s'am dogɔn sos ɛɛ Krist e jam us ɛɛɛ af. Erur em ec'agɔ lisijimɛl, s'am kok ɛben eke si k'elum ɔny abu agbr ɔmn em. ²⁰ Leɔ a eke mi b'ow m'ow ɔny ogɔ yogɔ a, ow am ɔny'm erɔn eke mi k'ɛɔnm ɔny ɛɛ elɛl eke m'am erur eke k'anɔn ab af. Ke oglog em yeji, k'ɛrurmn em eci elɛl eke mi b'ow mi kokr a. Erɔn am ɔny'm eke yogɔ mi k'uyum ów ɛsu, nyamneyr, erm bebl, agɔ ec'ów ɔnyanin, agɔ wewr owi, agɔ cacak owi, meɔɔel lele suksuk owi ab. ²¹ Emeny low nyam ec'erɔn yeji am ɔnym: em ec'ow ab em, oglog ke Nyam kók'm ɛs ɔny ec'any af. M'am uru eke mi k'ikɔ ɔɔn ɔny em ec'agɔ nɔnɔ eke abu anɔ em am kok leɔ sig em e sikpl a eci. Tasi em a, yefenyina yeji -li k'ewlm -li ki lerm Nyam. -N'am ir eb eke ɔɔm el -l'aylmn, -n'am ij nfaci etɔ -n'am ɛbirir mareɔ mareɔ.

13

Ów ɔm es abal el

† **12:18** Pɔl dad egɔ lisijim na e low nun 8 ec'akr 22 em a.

¹ M'am bebm sos eke mi k'ow ɔny ogh yogɔ sakp nyahan em, † etɔ esɛ elɛl eke Nyam Lɛl dad ab af: *Gbuɔ ke wɛl jɛj odad fɛɔ ok a, ow it eke wɛl k'iri adanɔku yony oglog nyahan nɛnym.* † ² Sica lɛɔ sig em ec'agɔ a eke kok sikpl a lele agɔ ejec'ab ab anake m'am dad odad a. Yɛfɛnyina m'anm ɔny araɔn, gbɛkɔ emɛny m'am ebr low a eke mi dad eke m'ow ɔny ogh yogɔ sakp yony em a m'esɛ: lɛɔ a eke mi b'ow m'ɛwl m'ow a, mi b'ow mi kok lɛc owi ɔny fɛɔ ab, ³ anke am erurir eke k'ɛkan low ek'am yɛgm eke Krist b'ɛcr em em dad odad a. Eke li bi kok low n'ɔɔ ɔny a, l'elm sos ɔnymu, kɔ nana, li b'ɛlu in ec'abusu ɔny a ɔkm ɔny ec'araɔn. ⁴ Nawrɛ, wɛl ɛw Krist oliɔ af, eke n'ɔnym sos a sosiɛm, gbɛkɔ n'anɔ owr Nyam ec'abusu ab em. Ey yɛji, in ab eke s'okr af a anake s'ɔnym sos a; gbɛkɔ si b'ow si yɛgm ɔny eke s'anɔ owr in ab Nyam ec'abusu ab em.

⁵ Sica ibrmn ɔny sosi low eke am iir ɛb esɛ ɔmn esɛl af, igbal ɔny sosi ogh ɛkan. Kɔ k'ɛknm eke Krist anɔ ɔny ab ee? Eke ow ɛcrm ɛbɛn, ke es ɔwal okr a. ⁶ Gbɛkɔ ey ec'a, m'am ɔny ɔmn eke b'ow ɛgɔn uwr any eke ey s'ɔwlm s'okm es. ⁷ Ey s'am ɔɔɔn Nyam eke kɔ kokmn low ɔɔɔ kaka. Etɔ ow elm ke si yɛgm ɔny eke s'ɔny low ij. Njan, low mamn cɛ s'erur eke ki kokr. Etɔ ɔfr ɔfr eke low a am yɛgm eke s'ɔny lɔbr. ⁸ Tasi em a, si

† **13:1** *Sakp nyahan em:*krɛkrɛ e Korent eke n'im a, yogɔ anake li sigm yogɔ e Nyamel ab es a (Ob Kok 18); yony em e Korent e n'im ke n'am dad ow ec'odad akr 2 em a, el ubr eke l'ubr yogɔ sɛgɔ abi cɛ, lɛɔ ab em eke n'anɔ Efɛs a (Ob Kok 19). † **13:1** ɛkn Ol ɔkn 19.15; Matie 18.16; 1 Timote 5.19; Ebre 10.28.

k'otum si kokm low kaka low nawre ec'any af, in e juma ce s'otu eke si ki kok. ⁹ Ee, sos em b'ijh ey sakp sakp feh eke si b'anh sos onym em ke ony b'onyn lec a. Ow sosiem yec'eke s'am ibrm ey e n'ohh em a el: ke emeny ewal ijr lec omn em.

¹⁰ Low na sosiem anake m'am awa ony lel eke m'anh kpekpe a. M'erurm eke mi k'elu lec okm leh eke mi b'ow m'anh ony ec'arahh a. Tasi em a, Es Kotoko oh'm abusu eke mi k'elum Nyamel a abu agb omn em, ko ow elm in e n'uhh eci.

¹¹ Sica agh lisijimel, an'nh sos em ihh em. Ohl omn em e lec eke k'onyn es, atarir sos es ke neny okr ony af ony ofr em. Iir eb erm es ey em, eh erur lele erm es ey ab e Nyam a b'ow anh ony ab.

¹² Eshininin ony ofr, ke eyarir af ese Krist em ec'agh lisijimel lele agh lisijowel ab af. Agh lala a feh am eshh ony.

¹³ Ke ey Es Kotoko Jesu Krist ec'owro, Nyam ec'erur lel Abh Lala ec'af okr a an'nh ony feh ab.

Amani Owr
Adiokrou: Amani Owr New Testament

copyright © 1998 Wycliffe Bible Translators, Inc.

Language: Adiokrou

Contributor: Wycliffe Bible Translators, Inc.

All rights reserved.

2020-11-10

PDF generated using Haiola and XeLaTeX on 21 Feb 2024 from source
files dated 29 Jan 2022

b20fd1e5-39e1-5678-9af9-b99e1ebfb994